

مونودراما " الحلم "

من مسرحية الرجل الذي أكل وزرة / جمال عبد المقصود

سعد : أنا سعد عبد الرعوف .. إنسان عادي .. بني آدم زي باقي البني آدمين .. طول عمري وأنا إنسان مسالم .. ما ليش دعوة بحد أصحابي محدودين .. عمري ما با تكلم في حاجة .. حياتي بسيطة .. أبسط مما تتصوروا .. الأسعار غليت و الا رخصت .. شئ ما يهمنيش .. شالوا وزارة وجابوا وزارة ثانية .. برضه ما يهمنيش ... عمري ما قرئت جرنال .. الدنيا بسيطة بالنسبة لي .. حتي الحب الوحيد اللي ف حياتي .. خايف منه .. خايف يكون ضد حد .. لكن بعد خمس سنين قضيتهم ف السجن بدون أي ذنب .. غير اني حلمت .. حلمت زي باقي البني آدمين ما بيحلموا .. عرفت حاجات كتيرة .. شفت ناس فالسجن ما لهمش أي ذنب .. عرفت ان لازم أمزق الوش اللي أنا ايش بيه .. لازم أعرف الحقيقة علي أصولها .. إن الإنسان ماينفعش يبقي سطحي .. ما ينفعش يبقي ماشي خايف من خياله لازم يصرخ..لازم يقول لا .. لازم يكون ليه كلمة .. مش مجرد خيال مآته .. وان كان عنم الحلم ..ف أنا ها أحلم .. ها أحلم واصحي و أحقق أحلامي .. بالخير والحق والسلام ... أنا .. أنا كان حلمي مجرد حلم ..زي بقيت كل الأحلام .. حلم وعادي ف أكلي لوزة ..يعني ما هواش سحر كلام .. لكن الحلم بقدرة قادر جه تفسيره شقي و اجرام .. هو حرام يا اخوانا ان احلم .. هو حرام يحلي لي منام .. ها أحلم واحلم غصبن عنهم .. واصحي واحقق ف الأحلام ..ها أحلم واحلم غصبن عنهم .. واصحي واحقق ف الأحلام .